

**STATÜTS
DA LA
SOCIETÀ**

PRO IDIOMS

La fuorma masculina ütilisada vala per hom e duonna.

1. Nom e sez

La PRO IDIOMS es üna società i'l sen da l'art. 60 e seguaints dal cudesch civil svizzer. La società es politicamaing e confessiunalmaing neutrala. Seis domicil es il lö dal parsura in uffizi.

2. Mera

Mantegner e promouver ils idioms in scoula cun mezs d'instrucziun idiomatics.

3. Commembranza

Commember da la PRO IDIOMS po dvantar minchün in pajond üna contribuziun annuala da fr. 10.--.

4. Dovairs

Mincha commember s'ingascha pels böts nomnats i'l artichel 2 da quists statüts.

5. Drets

Mincha commember ha il dret da gnir tschernü illa suprastanza o sco revisur da quint.

Mincha commember ha il dret da vuschar.

6. Organs

Ils organs sun:

- a) La radunanza generala
- b) La suprastanza
- c) Ils revisurs da quint

7. La radunanza generala

L'organ il plü ot da la PRO IDIOMS es la radunanza generala. La radunanza vain bannida tenor bsögn.

8. La suprastanza

La suprastanza consista da 5 commembers

1. president
2. vicepresidente
3. actuar
4. chaschier / assessur
5. assessur

La chascha po eir gnir manada d'ün commember chi nu fa part a la suprastanza.

La supranza rapreschainta la società PRO IDIOMS vers inoura e maina ils affars curraints.

9. Ils revisurs da quint

La radunanza tschernha duos revisurs da quint chi controllan tuot ils affars finanzials e dan giò ün rapport a man da la radunanza generala.

10. Suottascripziun

Il president ha il dret da suottascripziun collectiva insembel cun ün oter commember da la supranza.

11. Responsabilità in cas da perdita

Per debits da la società sta bun be la facultà da la società. Üna responsabilità persunala regard eventuals debits es esclusa.

12. Müdamaints da statüts

Quists statüts pon gnir müdats scha la majorità dals commembers preschaints a la radunanza approvan il müdamaint.

13. Schogliamaint da la società

In cas cha la società vain scholta decida la radunanza generala sur da la facultà da la PRO IDIOMS.

14. Entrada in vigur

Ils statüts sun gnüts approvats a la radunanza generala dals 20 marz 2015 ed aintran in vigur cun quista data.

Il president:


Domenic Toutsch

L'actuara:


Anna Chatrina Brunold-Riatsch